

## REGLUGERÐ RÁÐSINS (EB) nr. 1942/2006

2014/EES/73/83

frá 12. desember 2006

## um breytingu á reglugerð (EB) nr. 1321/2004 um að koma á fót stofnunum til að annast stjórnun evrópsku áætlanna um fjarleiðsögu um gervihnött (\*)

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 171. gr.,

með hliðsjón af tillögu framkvæmdastjórnarinnar,

með hliðsjón af álitum Evrópuþingsins <sup>(1)</sup>,með hliðsjón af álitum efnahags- og félagsmálanefndar Evrópubandalaganna <sup>(2)</sup>,

og að teknu tilliti til eftirfarandi:

- 1) Sameiginlega fyrirtækinu Galiléó var komið á fót með reglugerð (EB) nr. 876/2002 <sup>(3)</sup> til að ljúka þróunaráfanga Galiléó-áætlunarinnar og undirbúa næstu áfanga hennar. Miðað við núverandi stöðu Galiléó-áætlunarinnar verður ekki hægt að ljúka þróunaráfanga hennar fyrir lok ársins 2008.
- 2) Eftirlitsstofnun evrópsku, hnattrænu gervihnattaleiðsögukerfanna (GNSS) (hér á eftir nefnd „stofnunin“) var komið á fót með reglugerð (EB) nr. 1321/2004 <sup>(4)</sup> til að gæta hagsmuna almennings í tengslum við áætlanir er varða evrópsku, hnattrænu gervihnattaleiðsögukerfin og gegna hlutverki eftirlitsyfirlvals að því er varðar áætlanirnar meðan á nýtingar- og rekstraráföngum Galiléó-áætlunarinnar stendur.
- 3) Stofnunin getur, á árinu 2006, tekið yfir öll verkefni sem sameiginlega fyrirtækið Galiléó hefur nú með höndum og lokið þeim öllum. Að framlengja sameiginlega fyrirtækið fram yfir 2006 er þar af leiðandi tilgangslaust og ekki kostnaðarhagkvæmt. Það er því við hæfi að leggja niður sameiginlega fyrirtækið Galiléó og, áður en það er gert, að flytja verkefni þess yfir til stofnunarinnar áður en þróunaráfanganum lýkur.

4) Einnig er rétt að úthluta stofnunninni sérstaklega verkefnum, sem voru á hendi sameiginlega fyrirtækisins Galiléó áður en það er lagt niður, ásamt því verkefni, eftir því sem við á og í samræmi við ákvörðun stjórnar sameiginlega fyrirtækisins Galiléó, að sjá um málsmeðferð í tengslum við niðurlagningu sameiginlega verkefnisins eftir 31. desember 2006. Einnig er nauðsynlegt að fela stofnuninni að sjá um allar rannsóknir sem evrópsku, hnattrænu gervihnattaleiðsögukerfin njóta góðs af.

5) Að taka við stjórnun þróunaráfangans af sameiginlega fyrirtækinu Galiléó er þó ekki meðal þeirra verkefna stofnunarinnar, sem mælt er fyrir um í 2. gr. reglugerðar (EB) nr. 1321/2004, né heldur er tilgreind í þeirri grein sú rannsóknastarfsemi eða vinna sem stofnuninni kann að verða falið að sjá um eða fjármagna meðan á þróunar-, nýtingar- og rekstraráföngum áætlunarinnar stendur.

6) Af þeim sökum skal, til að tryggja samfelldni í Galiléó-áætluninni og hnökralausan flutning verkefna frá sameiginlega verkefninu Galiléó til stofnunarinnar, breyta 2. gr. reglugerðar (EB) nr. 1321/2004 til samræmis við það.

7) Í samræmingarskyni skal enn fremur sjá til þess að eignarhald á efnislegum- og óefnislegum eignum sameiginlega fyrirtækisins Galiléó verði flutt til stofnunarinnar þegar fyrirtækið er lagt niður fremur en í lok þróunaráfangans. Einnig skal sjá til þess að eignarhald á efnislegum- og óefnislegum eignum, sem myndast eða verða til meðan á þróunaráfanganum stendur, verði flutt til stofnunarinnar eftir niðurlagningu sameiginlega verkefnisins. Enn fremur skal setja ákvæði um fyrirkomulag þessa flutnings.

8) Að auki er nauðsynlegt, til að komast hjá hættu á mismunandi túlkun á gildissviði reglugerðar (EB) nr. 1321/2004, að tilgreina að til efnislegra og óefnislegra eigna, sem myndast eða verða til fyrir tilstilli sérleyfishafans meðan á nýtingar- og rekstraráföngunum stendur, teljist þær sem myndast eða verða til fyrir tilstilli undirverktaka hans eða fyrirtækja undir hans stjórn eða undirverktaka slíkra fyrirtækja. Einnig ber að tilgreina að eignarhald taki til vörumerkjaréttar og allra annarra hugverkaréttinda í skilningi 1. mgr. 1. gr. reglugerðar framkvæmdastjórnarinnar (EB) nr. 772/2004 frá 27. apríl 2004 um beitingu 3. mgr. 81. gr. sáttmálaus gagnvart flokkum samninga um tækniyfifærslu <sup>(5)</sup> og 2. gr. samningsins frá 14. júlí 1967 um stofnun Alþjóðahugverkastofnunarinnar.

(\*) Þessi EB-gerð birtist í Stjtið. ESB L 367, 22.12.2006, bls. 18. Hennar var getið í ákvörðun sameiginlegu EES-nefndarinnar nr. 94/2009 frá 8. júlí 2009 um breytingu á bókun 31 við EES-samninginn, um samvinnu á sérstökum sviðum utan marka fjórþætta frelsisins, og bókun 37 við EES-samninginn, sjá EES-viðbæti við Stjórnartíðindi Evrópusambandsins nr. 56, 22.10.2009, bls. 28.

<sup>(1)</sup> Álitin var skilað 12. október 2006 (hefur enn ekki verið birt í Stjórnartíðindum ESB).

<sup>(2)</sup> Álitin var skilað 26. október 2006 (hefur enn ekki verið birt í Stjórnartíðindum ESB).

<sup>(3)</sup> Stjtið. EB L 138, 28. 5. 2002, bls. 1.

<sup>(4)</sup> Stjtið. ESB L 246, 20. 7. 2004, bls. 1.

<sup>(5)</sup> Stjtið. ESB L 123, 27. 4. 2004, bls. 11.

9) Að lokum skal Geimvísindastofnun Evrópu (ESA), í ljósi lykilhlutverks hennar við mótun og þróun kerfa sem felur í sér umfjöllun um og þekkingu á öllum þáttum öryggis og áreiðanleika þeirra, eiga áheyrnarfulltrúa í stjórninni og í nefndinni um öryggi og áreiðanleika kerfisins. Þar að auki skal setja sambærileg ákvæði um hvernig fyrirsvari aðalframkvæmdastjóra/æðsta talsmanns skal háttáð í stjórninni.

10) Því ber að breyta reglugerð (EB) nr. 1321/2004 til samræmis við það.

SAMÞYKKT REGLUGERÐ ÞESSA:

*I. gr.*

Reglugerð (EB) nr. 1321/2004 er breytt sem hér segir:

1. Í 1. mgr. 2. gr. bætist eftirfarandi liður við:

„k) Hún skal, eigi síðar en við lok sameiginlega fyrirtækisins Galíleó, með tilliti til þess að ljúka þróunaráfanga Galíleó-áætlunarinnar, taka við þeim verkefnum sem voru á hendi sameiginlega fyrirtækisins skv. 2., 3. og 4. gr. viðaukans við reglugerð (EB) nr. 876/2002 (\*). Eftir því sem við á skal hún, í samræmi við ákvörðun stjórnar sameiginlega fyrirtækisins Galíleó, sjá um málsmeðferð í tengslum við niðurlagningu sameiginlega fyrirtækisins eftir 31. desember 2006.

l) Hún skal sjá um allar rannsóknir sem evrópsku, hnattrænu gervihnattaleiðsögukerfin njóta góðs af.

(\*) Stjtið. EB L 138, 28.5.2002, bls. 1.“

2. Í stað 1. og 2. mgr. 3. gr. komi eftirfarandi:

„1. Eftir að sameiginlega fyrirtækinu Galíleó lýkur, eins og um getur í 1. gr. reglugerðar (EB) nr. 876/2002 og 20. gr. viðaukans við hana, skal stofnunin vera eigandi allra efnislegra og óefnislegra eigna sem myndast eða verða til meðan á þróunaráfanganum stendur, þ.m.t. þær sem eru í eigu sameiginlega fyrirtækisins Galíleó í samræmi við 6. gr. viðaukans við þá reglugerð og þær sem myndast eða verða til

fyrir tilstilli Geimvísindastofnunar Evrópu og aðila sem sú stofnun eða sameiginlega fyrirtækið Galíleó felur ábyrgð á starfsemi í tengslum við þróun áætlunarinnar.

2. Stofnunin er eigandi allra efnislegra og óefnislegra eigna sem myndast eða verða til fyrir tilstilli sérleyfishafans meðan á nýtingar- og rekstraráföngunum stendur, þ.m.t. þær sem myndast eða verða til fyrir tilstilli undirverktaka hans eða fyrirtækja undir hans stjórn eða undirverktaka slíkra fyrirtækja.

3. Eignarhald tekur til allra hugverkaréttinda, einkum vörumerkjaréttar, í skilningi 1. mgr. 1. gr. reglugerðar framkvæmdastjórnarinnar (EB) nr. 772/2004 frá 27. apríl 2004 um beitingu 3. mgr. 81. gr. sáttmálans gagnvart flokkum samninga um tækniyfifærslu (\*), ásamt öllum öðrum hugverkaréttindum í skilningi 2. gr. samningsins frá 14. júlí 1967 um stofnun Alþjóðahugverkastofnunarinnar.

4. Fyrirkomulagi á flutningi efnislegra og óefnislegra eigna, sem eru í eigu sameiginlega fyrirtækisins Galíleó í samræmi við 6. gr. viðaukans við reglugerð (EB) nr. 876/2002, verður komið á þegar fyrirtækið er lagt niður eins og mælt er fyrir um í 21. gr. viðaukans við þá reglugerð.

5. Með samningnum, sem var gerður milli stofnunarinnar og Geimvísindastofnunar Evrópu í samræmi við 3. gr. viðaukans við reglugerð (EB) nr. 876/2002, er gert ráð fyrir að Geimvísindastofnun Evrópu, fyrir hönd stofnunarinnar, geti neytt eignarréttarins sem stofnunin hefur skv. 1. mgr.

6. Með sérleyfissamningnum er gert ráð fyrir að sérleyfishafinn geti, fyrir hönd stofnunarinnar, neytt eignarréttarins sem stofnunin hefur skv. 1. mgr.

(\*) Stjtið. ESB Stjtið. ESB L 123, 27.4.2004, bls. 11.“

3. Númeri 3. mgr. 3. gr. er breytt í 7. mgr. 3. gr.

4. Í 2. mgr. 5. gr. bætist eftirfarandi undirgrein við:

„Fulltrúi aðalframkvæmdastjóra/æðsta talsmanns og fulltrúi Geimvísindastofnunar Evrópu skulu sitja stjórnarfundum sem áheyrnarfulltrúar.“

5. Í stað 1. mgr. 10. gr. komi eftirfarandi:

„1. Stjórnin skal koma á fót nefnd um öryggi og áreiðanleika kerfisins. Í henni skal vera einn fulltrúi frá hverju aðildarríki og einn frá framkvæmdastjórninni, valdir úr hópi viðurkenndra sérfræðinga um öryggismál. Fulltrúi aðalframkvæmdastjóra/æðsta talsmanns og fulltrúi Geimvísindastofnunar Evrópu sitja stjórnarfundi sem áheyrnarfulltrúar.“

2. gr.

Reglugerð þessi öðlast gildi á þeim degi sem hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. desember 2006.

*Fyrir hönd ráðsins,*

S. HUOVINEN

*forseti.*

---